



U SOKOCU ZBOG RATNOG ZLOČINA UHAPŠEN MILENKO KRSMANOVIĆ

PLANIRAO DA UBIJE ADVOKATA

D. TOVILOVIĆ

SARAJEVO - Pripadnici SIPA u saradnji s Tužilaštvom BiH, a po naredbi Suda BiH, uhapsili su u srijedu u Sokocu Milenka Krsmanovića (58) zbog sumnje da je podstrekivao i planirao ubistvo poznatog sa-

rajevskeg advokata Muhidina Kape.

Kapo je bio svjedok Tužilaštva u procesu koji se vodi protiv Krsmanovića u Sudu BiH, a zbog ratnih zločina na području opštine Sokolac u julu 1992.

"Taj čovjek me je te godine maltretirao i ozbiljno povrijedio.



**ŽELIO JE DA ME
UKLONI I DA ME SE
RIJEŠI, KAZAO KAPO**

U ovom postupku sam svjedok Tužilaštva, a on je želio da me na ovaj način ukloni i da me se riješi", kazao nam je juče Kapo.

Iz Tužilaštva BiH juče su saopštili kako je izvršen pretres nekoliko objekata koje koristi

osumnjičeni.

"Tužilaštvo je odlučno da se suprotstavi bilo kakvim pokušajima ometanja rada pravosuđa i ugrožavanja sigurnosti sudionika u kaznenom postupku", rečeno je u ovoj ustanovi. Iz SIPA je saopšteno kako je osumnjičeni priveden u njihove prostorije, gdje se vrši kriminalistička obrada, nakon koje će uz izvještaj o krivičnom djelu biti proslijeđen u Tužilaštvo BiH. Sud BiH tereti Krsmanovića da je kao policajac MUP-a Republike Srpske za vrijeme rata u BiH u julu 1992. godine na području Sokoca namjerno nanio tjelesni i duševni bol osobi nesrpske nacionalnosti i istu protivzakonto zatvorio, a zatim opljačkao njenu imovinu.